

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. II. Solutione argumentorum ulteriùs ostenditur ad actum  
supernaturalem voluntatis requiri actum supernaturalem intellectus.

**urn:nbn:de:hbz:466:1-13718**

siens, aut habitum speci in peccatore, & alios habitus infusos in justis, vera gratia præveniens est superflua, ac proinde hæc, non ex ordinatione tantum divinæ, sed ex naturâ rei ad hujusmodi excitationem requiritur.

## SECTIO SECUNDA.

## Solutione argumentorum ulterius ostenditur ad actum supernaturale voluntatis requiri actum supernaturale intellectus.

I. **O**BIICIUNT auctores contraria sententia: primò: si enim ad actum supernaturale voluntatis requiratur actus intellectus supernaturale, vel est ratione infirmatis naturæ jam corruptæ, hoc autem dici nequit, ut suprà ostendimus, cum appetitus non semper insurgat contra rationem, vel saltè non adeo graviter, ut non relinquit potestatem in hominē bene operandi moraliter, ergo & operandi supernaturaleri, si in se habeat principium supernaturale sufficiens, ejusmodi actus effectivum: vel necessaria est cogitatio illa supernaturale ob proportionem quandam, quia scilicet actus voluntatis supernaturalis ad sui existentiam connaturaliter exigit actum intellectus supernaturalem; sed hoc gratis dicitur, cum dari possit actus intellectus naturalis æquè clarus & intensus, ac supernaturalis, ergo ipso facto quo determinet potentiam in qua est, ad operandum circa tale objectum, determinabit similiter habitum infusum in eadem potentia existentem; nec enim determinatur habitus, nisi mediæ, mediante scilicet potentia. Quod argumentum majorem habet vim, supposito eo, quod suprà diximus, nempe actum naturale & supernaturale circa idem objectum dari posse.

II. Respondeatur, necessitatem hujus illustrationis supernaturalis non provenire ratione difficultatis, sed ratione perfectionis peculiaris actus supernaturalis, qui propterea exigit, non solum principium effectivum, sed etiam determinativum sibi proportionatum: hanc autem exigentiam colligimus ex argumentis jam positis, & auctoritate Patrum, qui in singulis actibus dicunt Deum, non solum operari nobiscum, sed etiam in nobis operari, praviæ scilicet suæ illuminatione, nos ad operandum excitando. Unde S. Augustinus lib. de naturâ & gratia, cap. 26. ait hominem, etiam perfectissime justificatum egere luce iustitia ad recte vivendum, non minus quam oculus corporeus indiget luce corporali ad videndum. Licet ergo cognitionis naturalis excitare possit voluntatem ad agendum circa objectum etiam supernaturale, quod proponit, non tamen ad agendum modo supernaturale, ad hoc enim plus requiritur, cum affectus aut actus supernaturalis excitari sympatheticè non possit, nisi per actum sibi proportionatum ob rationes jam dictas. Ex in hoc excedit actus spirituales naturales, qui interdum excitantur ab actu materiali, ut cum ab actu Phantasmatis, intellectus excitatur ad agendum.

III. Objicies secundò: hinc sequi processum in infinitum: si namque actus omnis supernaturalis prærequirat semper alium supernaturale, in nullo sifetur, ergo dici necessario debet sufficere actum naturale. Respondeatur negando sequelam, solum namque dicimus ad hoc ut unus actus super-

naturalis sympatheticè & intentionaliter excitetur, requiri alium actum supernaturale, per quod tamen non magis sequitur processus in infinitum, quā in actibus naturalibus, in quibus omnes affirmant, ut unus Sympathicè excitetur, prærequiri alium actum naturale, ergo huc etiam ibitur in infinitum.

Notandum itaque, duobus modis actum aliquem vel intellectus vel voluntatis excitari, Sympathicè seu intentionaliter, & Physicè seu materialiter: primum tunc contingit, quando vitali quodammodo, seu per representationem aut tendentiam intentionalem in aliquod objectum actus alius excitatur: sic voluntas carpendi florem aliquem vel fructum exempli gratiæ, provenit ex actu amoris de illo tum præexistente, hic ex actu intellectus pulchritudinem seu bonitatem floris illius aut fructus representante, is ex phantasmate, phantasma ex actu visionis, ubi sifit series motionis intentionalis. Physicè tunc actu quispam dicitur excitari, quando per principium aliquod merè effectivum applicatur potentia ad agendum: si oculus excitatur ad physica visionem per speciem, intellectus beati per lumen gloriae, & sic de aliis, in quibus etiam, sicut in intentionibus datur aliquod primum.

V. Ad rem ergo præsentem, in actibus tam naturalibus, quā supernaturalibus deveniendum est ad aliquem actum, qui non excitatur intentionaliter, sed tantum physicè, ut in exemplis allatis constat. Dicimus itaque, ad primum actum supernaturale infundi à Deo ejusmodi principium physicum, ut per se determinet intellectum ad objectum aliquod percipiendum, lumen mirum aliquod intrinsecum, vel adjutorium seu concursum extrinsecum, juxta diversas sententias, per quæ effectivè illuminatur intellectus in viâ, sicut per lumen gloriae illuminatur in patriâ. Hoc lumen subinde ita infunditur à Deo, ut nihil ex parte intellectus præcesserit, nonnunquam tamen (five non) supponit actus aliquos naturales præcessisse, quo sensu dicitur Fides ex auditu. Nec mirum est aliquid supernaturale supponere dispositiones naturales, cùm & gratia & habitus omnes infusi supponant subiectum naturale. Quantumcumque verò à parte rei ponantur hi actus naturales, actum nihilominus hujusmodi supernaturale non exigunt, ut suprà diximus. Actus tamen supernaturalis, utpote multo perfectior naturali, & eminenter cum continens, posset in aliquo casu ad actum naturale excitare.

Hinc infero, etiam in Angelis, & homine innocentem, necessarium fuisse gratiam prævenientem ad actus supernaturales meritorios exercendos, diversa tamen rationis ab ea quæ nobis plerumque conceditur; in illis enim nullæ erant concupiscentia, nec difficultates, quibus modo subjetat humana natura. Et hoc solum est, quod vult S. Augustinus, & alii ex Patribus, dum speciale hanc gratia prævenientis necessitatem aiunt ex corruptione naturæ esse ortam, & in Adamo in statu innocentiae non extitisse; solum etenim negant Adamum ejusmodi gratiam indiguisse, qualem nos habemus, nempe ad vincendas concupiscentias, & ad motus contra rationem insurgentes compescendos, quod confirmatur ex illis Divi Augustini verbis de corruptione & gratia cap. II. Ille, inquit, nempe Adamus, in paradiſo non opus habebat eo adjutorio, quod implorant justi, cum dicunt, video aliam legem in membris meis, &c. solum ergo negat indiguisse cum ejusmodi gratia, quā nos in naturâ leprosa, non tamen indiguisse omnem.

## SECTIO